

十
四
五
六

直
州
乙
酉
軍
樂
■

宜州乙酉家乘

黃庭堅撰

中華書局

宜州乙酉家乘

此據知不足齋叢
書本排印初編各
叢書僅有此本

崇寧甲申秋。余客建。聞山谷先生謫居嶺表。恨不識之。遂泝大江。歷盱浦。舍舟於洞庭。取道荆湘。以趨八桂。至乙酉三月十四日。始達宜州。寓宿崇寧寺。翼日謁先生於僦舍。望之真謫仙人也。於是忘其道途之勞。亦不知瘴癘之可畏耳。自此日奉杖履。至五月七日。同徙居於南樓。圍棋誦書。對榻夜語。舉酒浩歌。跬步不相舍。凡賓客來。親舊書信。晦月寒暑。出入起居。先生皆親筆以記其事。名之曰乙酉家乘。而其字畫特妙。嘗謂余他日北歸。當以此奉遺。至九月。先生忽以疾不起。子弟無一人在側。獨余爲經理其後事。及蓋棺於南樓之上。方悲慟不能已。所謂家乘者。倉卒爲人持去。至今思之以爲恨也。紹興癸丑歲。有故人忽錄以見寄。不謂此書尙爾無恙耶。讀之恍然。幾如隔世。因鏤板以傳諸好事者。亦可以見先生雖謫處憂患而未嘗戚戚也。視韓退之柳子厚有閒矣。東坡云。御風騎氣。與造物者游。信不虛語哉。甲寅四月望日。蜀郡范寥信中序。

宜州乙酉家乘

四年春正月庚午朔。元明自永州與唐次公俱來居四日矣。是日州司理管及時當來謁元明飲屠蘇。二日辛未小雨。遣永州腳夫四人回寄糟蟹鰕胸梨蠔子大燭草豆蔻蠟。作未酉亥臘脯。元明次公會食罷。步出小南門西過龍水縣道遇崇寧道人文慶。

三日壬申陰微寒。食罷元明次公對棋。予獨步至安化門得黃雀數十。

四日癸酉微陰。區叔時與元明次公同飯。爲元明作花吉貝背。子與叔時棋。叔時再勝而三敗。

五日甲戌晴。郡守而下來謁元明得柘姑。

六日乙亥四山起雲而朝見日大熱。纔袂衣始遷書藥入新居。

七日丙子陰辰巳大雨入新居大寒。

八日丁丑晴發張載熙兄弟獨當時周惟深書得大含笑一枝。叔時來棋人勝一籌。叔時三勝而四敗。

九日戊寅晴從元明步至管時當莫疎亭。

十日己卯晴步至三角市食罷從元明步自小南門繞城觀四面皆山而無林木。歷西門北門東門正南

門復由舊路而還得曹醇老書寄二酒乾筍菌生熟栗黃甘山積。

十一日庚辰陰從元明步出小南門西入慈恩寺又西入香社寺乃折而東入植福寺略龍水鄉而歸。

十二日辛巳朝雨霽。巳午晴。

十三日壬午立春。晴又陰。從元明步出小南門。訪崇寧道人文慶。臥於慶公之室。紫堂山人王漸僧惠宗實同行。

十四日癸未。晴又陰。夜從元明步出東門。上高寺。入天慶觀。乃至崇寧寺。僧從廣自融州遇。

十五日甲申。晴。得嗣文書。送五緘。報嗣深自光山罷歸。得先民辟通行。交子司勾當。兄弟仕同郡而不閤法。可慶也。報知命長女與其壻張鈞。及其姑之乳媪來。畱半月。

十六日乙酉。晴。夜從元明步至崇寧寺。

十七日丙戌。晴。從元明浴於小南門石橋上民家浴室。與叔時棋。叔時三北。太醫朱激饋雙鷺。

十八日丁亥。晴。大熱。不可袂衣。

十九日戊子。又陰。小冷。可重袂衣。得華陰細辛於王紫堂。初見棟實與口產不異。

二十日己丑。陰。大寒。可重繭。得永州平安書。并得南豐無恙書。知李倩女睦家音問。云欲遣人至宜。元明得李磁州及女嫺書相書。報張子發出自訟齋。會蔣子人。鄒得久。稅於高山寺。借馬從元明游南山。及沙子嶺。要叔時同行。入集真洞。蛇行一里餘。秉燭上下。處處鍾乳蟠結。皆成物象。時有潤壑行步差危耳。出洞頃之。得張貴州書。傳致范德孺晁無咎書。夜中急雨寒甚。

二十一日庚寅。陰。夜從元明過王紫堂。中夜大雨達旦。

二十二日辛卯雨不已。

二十三日壬辰曉雨乃晴遣武陽寨書象州書貴州書入夜小雨微明。

二十四日癸巳雨不已得曹醇老書以元明至宜予暫開肉故寄一羊及子魚鰕胸蛤蜊蟹蟹整醋蟹醬

金橘三百并爲督到王漑通錢九千。

二十五日甲午晴袁安國對棋且勝且敗而安國負七局。

二十六日乙未晴不見日崇寧道人來速元明及子同飯。

二十七日丙申陰不雨。

二十八日丁酉晴從元明游北山由下洞升上洞洞中嵌空多結成物狀又有泉水清澈勝南山也。

二十九日戊戌晴。

三十日己亥陰不雨氣候差溫叔時來棋且勝且敗而叔時負三局爲元明作平氣丸成樂善寨黃遠送

雪菌臘酉後凍雨夜雨達旦。

二月庚子朔雨不已小寒帶溪文順剖羊見餽繼以建溪北果又以萬錢爲壽是張子發之媚壻也。

二日辛丑雨甚可復近火。

三日壬寅娶秦禹錫區叔時同酌元明與叔時棋叔時負三局。

四日癸卯雨。

五日甲辰晴又雨諸人置酒餞元明於崇寧并召予予亦宿崇寧寺

六日乙巳晴天極溫才可裋衣與諸人飲餞元明於十八里津

七日丙午晴似都下四月氣候也象州人回得才叔書報松柏市之緯已達得李仲牖書寄建溪葉剛四

十銖婆婁香四兩蜀牋四軸罌桶赤魚鰓五十并得少伊書

八日丁未曉寒甚已而小雨又晴

九日戊申陰寒不雨步到崇寧采薺作羹叔時來對棋

十日己酉雨不甚寒得元明丙午柳城書報周通叟作象州教授要來蘇舟爲郇至虛乞正書兩紙唐次

公自柳州來送菖蒲酒四器是日午後雨止

十一日庚戌晴唐次公來共蔬飯

十二日辛亥雨又霧夜中淅雨

十三日壬子雨作素包子召次公不至得元明書

十四日癸丑晴又雨柳州僧禪進送才叔上元日書遣高德修書

十五日甲寅雨發元明甲子書下重醞酒

十六日乙卯晴答禪進書夜中月明

十七日丙辰晴葉筠元禮來約相見

十八日丁巳晴。又陰而不雨。天小寒。唐叟元老寄書。并送崖香八兩。

十九日戊午。陰不雨。得元明十二日師塘鋪書。

二十日己未雨。崇寧道人同宗廣二僧。王紫堂來。噉素包子。累日苦心。悻合定志。小九成。

二十一日庚申晴。初見日。發元明乙丑寄書。午雨。晚晴。夜雨。

二十二日辛酉。雨不已。崇寧慶公來。遂率至寺中食包子。僧崇廣之全州。

二十三日壬戌雨。

二十四日癸亥。雨止。氣微溫。小許送鴈鴣六。王沙監送溪魚十五。皆班諸鄰。得鞭筭二十餘甚美。

二十五日甲子晴。不可挾纊。蔣侃送蠻布坐薦四。絮以葦花。金鈴子。雪蘭皆一簞。三鼓馬軍營外火焚十家。

二十六日乙丑。晴。得元明二月十四日丁卯書。寄詩一篇。青玉案一篇。滑石壓紙五枝。得相稅正月二十

八日平安書。得李德素泊李郎三十日本月十七日書。蔣侃送山藥。佳。莫河送雪蘭。得天民正月書。報

鄉中事種種。新知縣陳夫宣德二月上得戴坤父正月五日書。

二十七日丙寅晴。發元明丙寅書。

二十八日丁卯。微雨不寒。發相稅書。

二十九日戊辰。社雨。得賓州王元道書。送丙椰子。及來陽大箸。晝晴驟溫。可單衣。

閏二月己巳朔晴中夜凍雨。

初二日庚午曉晴終日夜雨達旦。

初三日辛未雨王侄來求白鷗得雌雄一雙與之此爾雅所謂翰雉也。

初四日壬申過管時當西齋。

初五日癸酉過西齋終日夜大雷雨。

初六日甲戌數日皆夜雨晝晴是夕星月粲然。

初七日乙亥晴。

初八日丙子晴夜雨達旦。

初九日丁丑雨止得元明戊辰書馮孝叔寄書并送所買藥一箬。

初十日戊寅雨蔣侃莫洞寄買崇寧倚卓錢四千莫并寄橄欖百枚筍數十頭德謹碧秦靖寄筍橄欖山藥食罷過管時當西齋。

十一日己卯雨。

十二日庚辰雨。

十三日辛巳不雨。

十四日壬午晴德謹碧秦靖餽筍山藥炭四籠鑽竹改火。

十五日癸未晴

十六日甲申雨

十七日乙酉晴

十八日丙戌陰辰巳晴崇寧道人出諸巖作佛事

十九日丁亥晴沐浴於石橋之湑室

二十日戊子陰不雨自南門步向東城過望仙樓復至小南門而歸

二十一日己丑晴與僧惠宗了觀浴於石橋叔時來對棋予敗四局

二十二日庚寅晴大熱不可袂衣叔時來對棋叔時再勝而三敗

二十三日辛卯晴觀書於南樓

二十四日壬辰晴臥於南樓終日叔時來棋三勝而再敗

二十五日癸巳晴天氣似京師五月

二十六日甲午晴接癸巳夜凍雨晨涼辰巳間陰暄小冷

二十七日乙未晴寒

二十八日丙申晴發永州書思立寨孫彥昇子漸崇班送石菖蒲二桶小菜桶四枚

二十九日丁酉晦晴寒時作數點雨不霑溼發元明丁卯書至長沙

三月初一日戊戌朔晴。

初二日己亥丁酉戊戌中夜皆澍雨。德謹齋寄大簾一牀。又寄大苦筍數十頭。甚珍。與蜀中苦筍相似。江南所無也。

初三日庚子大雷雨。

初四日辛丑晴。

初五日壬寅晴。入夜星月粲然。

初六日癸卯晴。郭戎送枇杷甘甚。又送麴兩石。

初七日甲辰晴。党君送含笑花兩枝。

初八日乙巳晴。党君送含笑花三枝。

初九日丙午晴。党君送含笑花兩枝。

初十日丁未晴。党君送含笑花兩枝。作順氣丸成。

十一日戊申晴。暑氣欲不可堪。得元明閏月十四日己巳書。并得相稅書。

十二日己酉晴。

十三日庚戌晴。普義邵革送山藥二節。

十四日辛亥晴。夜中大雷雨。

十五日壬子晴。成都范寥來相訪。好學之士也。得相稅書。

十六日癸丑晴。長沙僧去。發元明戊辰書。

十七日甲寅晴。

十八日乙卯大雨。溝澮皆盈。得張八十外甥須城正月書。

十九日丙辰晴。武陽莫彥照送粟米。

二十日丁巳大雨。溪水溢入城濠。井泉皆達。王紫堂將諸雛入桂林。

二十一日戊午雨。何濟范寥同飯。

二十二日己未。得高德修書。

二十三日庚申晴。思立孫子澍送人參芎。

二十四日辛酉晴。普義邵革侍禁來。

二十五日壬戌晴。普義送粟米二斛。

二十六日癸亥晴。

二十七日甲子大雨。郡守發糴於城南之龍泓。於是三日矣。

二十八日乙丑又雨。農夫以爲慶。

二十九日丙寅晴又雨。

三十日丁卯晴

四月初一日戊辰晴城西南再火

初二日己巳晴

初三日庚午晴馮孝叔送元明己巳書及相稅書寄紙獎鞵機及公袞書送紙六軸人參十兩朱彥明徐

靖國皆有書鄒德久及稅各寄詩來皆可觀夜雨震電

初四日辛未陰欲雨是日煨筍作藕茹薑蕪茄茹

初五日壬申晝晴夜雨

初六日癸酉晴崇寧僧法旻置飯與范信中同之

初七日甲戌晴與時當信中剝粽子

初八日乙亥午風未凍雨少頃又晴

初九日丙子晴

初十日丁丑晴

十一日戊寅晴

十二日己卯晴

十三日庚辰晴

十四日辛巳晴。

十五日壬午晴。予病暴下不能興。

十六日癸未晴。

十七日甲申晴。

十八日乙酉晴。

十九日丙戌晴。普義寨寄粟米山苗。

二十日丁亥晴。沙監王稷寄朱砂及猿皮。

二十一日戊子晴。思立寨寄竹牀。

二十二日己丑晴。德謹寨寄竹簟。

二十三日庚寅晴。自丙子至庚寅晝夜或急雨。簷溜溝水行。輒霽。問民間未可以立苗也。食新蓮實。

二十四日辛卯晴。大腑始和。沐浴於城南民家。

二十五日壬辰晴。崇寧道人來同粥。

二十六日癸巳晴。

二十七日甲午晴。市人始賣木等多改。子皮殷紅。肉甘酸。生者微澀。核猥大而肉少。余舊聞嶺南木等子。

卽樂中山茱萸也。沙監王稷寄渠酒歷來。自去年十二月未請。

二十八日乙未晴。

二十九日丙申。四鼓欲竟大雷雨。至寅卯少止。農民遂有西成之慶。乙酉之夜。邵守齋宿請雨於上帝。郭

全甫置酒於南樓。與者四人。子及劉君賜。管時當。范信中。思立孫子漸。寄糟薑簾涼牀。秦禹錫送鮓。

五月初一日丁酉。雨。普義邵彥明寄木瓜及蜜。郭子仁送荷苞鮓。

初二日戊戌。雨。夏至郭全甫。管時當。李元朴。范信中會於南樓。

初三日己亥。雨。得元明長沙三月書。南豐三月書。轉附到睦三月書。

初四日庚子。雨。晚晴。夜見星月。

初五日辛丑。晴。郡中以令爲安化蠻置酒。

初六日壬寅。雨。

初七日癸卯。雨。自此宿南樓。范信中同之。

初八日甲辰。雨。陶君送牛脯。雀鮓。蜜梅。

初九日乙巳。雨。夜中大雨。

初十日丙午。晴。邵彥明寄木瓜二十。

十一日丁未。晴。

十二日戊申。雨。

十三日己酉雨。

十四日庚戌雨。

十五日辛亥晴。歐陽襄自柳州來。邵彥明來。

十六日壬子雨。李元朴置酒郭全甫之東軒。與者向日華、邵革、管及、王彥臣、賈琪、劉煥、高權、范寥、歐陽襄。其一客則予也。彥明送粟五斛。

十七日癸丑晴。陶君送魴魚鱸十包。

十八日甲寅晴。同范信中、歐陽佃夫浴於崇寧。與崇寧道人過徐常。步至石泉。泉甚清壯甘寒。但不潔不
覽耳。邵普義送荷葉。

十九日乙卯晴。佃夫弄琴。作清江引。賀若。風入松。□□米七斛。

（原缺三十六行每行十九字）

二十五日庚寅雨。

二十六日辛卯雨。

二十七日壬辰雨。

二十八日癸巳雨。

二十九日甲午雨。